

TEZAUUR LITURGIC
12 DECEMBRIE

ACATISTUL
SF. IERARH
SPIRIDON,
EPISCOPUL
TRIMITUNDEI
I



TBILISI, 2000



დაუჯდომელი საგალობელი წმიდისა მღუდელმთავრისა სპირიდონისა ტრიმიფუნტელი საკვირველთმოქმედისა

ტროპარი, ხმა 1

პირველსა კრებასა შინა გამოსჩნდი მბრძოლად
ძლიერად, საკვირველთ-მოქმედო ღმერთ შემოსილო
სპირიდონ, მამაო ჩვენო, მკუდარსა ჰკითხევდ რა,
მეყუსეულად ხმა გიყო შენ, რამეთუ გველო ოქროდ
შესცვალე, და ლოცვათა შენთა ზედა ანგელოსნი
გაქვნდეს თანა-შემწედ და თანა-მწირველად შენ,
ყოვლად სამღვდელო, დიდება, რომელმან გადიდა შენ,
დიდება, რომელმან გვირგვინოსან გყო შენ, დიდება
რომელი იქმს შენ მიერ ყოველთა ზედა სასწაულთა.

კონდაკი 1

ღმრთისა მიერ უფროსადგანდიდებულო
მღვდელთმთავარო და საკვირველთმოქმედო
სპირიდონ, მედღესასწაულენი ყოვლადპატიოსნისა
ხსენებისა შენისანი ჟამსა ამას, ვითარცა
განმადიდებელისა შენისა ქრისტესა, მომართ მეოხსა
მრავლისაშემძლებელსა, ღმობიერად გიგალობთ შენ:
ყოველთა ჭირთა და ბოროტებათაგან გვიხსენ ჩუენ,

რადთა მადლობითა ვხმობდეთ შენდა: გიხაროდენ სპირიდონ, ყოვლადსაკვირველო სასწაულომოქმედო.

იკოსი 1

სიყრმითგან განშვენებული ქველისსაქმითა ყოვლითა, ანგელოსთა მობაძავ იქმენ, მღვდელთმთავარო სპირიდონ, გამოსჩნდი შენ ჭემმარიტად მეგობრად ქრისტესი და ჩუენცა მხედველნი შენნი, ვითარცა ზეცისა კაცისა და ქუეყანისა ანგელოსისანი, ღმრთისმოსაობითა ღმობიერად გიხმობთ შენ:

გიხაროდენ, გონებაო გულისხმისმყოფელო საიდუმლოისა ყოვლადწმიდისა სამებისაო;

გიხაროდენ, განმდიდრებულო მობერვითა უფროსადგანათლებულისა სულისათაო;

გიხაროდენ, სასანთლეო მრავალსანთლოვანო;

გიხაროდენ, უვნებელობისა მიერ გონებისა შენისა განმანათლებელო;

გიხაროდენ, სიყრმით შენითგან ჭემმარიტისა სიმარტივისა და მდუმარებისა მოყუარეო;

გიხაროდენ, უმანკოებისა სამკაულო;

გიხაროდენ, დაუშრეტელისა სიყვარულისა მდინარეო;

გიხაროდენ, რამეთუ მობაძავ ექმენ აბრაამსა უცხოთმოყვარებითა;

გიხაროდენ, რამეთუ ბჭენი სახლისა შენისანი სიყვარულისა უხუებითა განუხვენ ყოველთა;

გიხაროდენ, შუამდგომელო უპოვართაო;
გიხაროდენ, რამეთუ შენ გსასოებენ ერნი;
გიხაროდენ, რამეთუ ხარ შენ სამკვიდრებელი სულისა
წმიდისა;
*გიხაროდენ სპირიდონ, ყოვლადსაკვირველო
სასწაულთმოქმედო.*

კონდაკი 2

რაჟამს იხილნეს კვიპროსისა კუნძულისა ერმან და
ყოველთა ქრისტიანეთა, მღვდელმთავარო, რამეთუ
უხრწნელთა ნაწილთა შენთაგან კურნებანი უხუებითა
აღმოეცენებიან, განიხარეს და ჩუენცა
პატივისმცემელნი შენნი, ვითარცა მაღლით
გარდამოვლენილისა მაღლისა ყოვლადუხვისა
წყაროისანი, ვუგალობთ უმაღლესსა მას მომღებელსა
ზეციურთა და ქუეყნიერთა კეთილთა: *აღილოჟია.*

იკოსი 2

ცნობაი საღმრთოი გაქუნდა შენ, რაჟამს მწყემსი
უსიტყურთა ცხოვართა ნებითა მწყემსთმთავრისა მის
ქრისტესითა გამორჩეულ იქმენ მწყსად პირმეტყველთა
მათ ცხოვართა და მართალნი ყოველნი,
გულისხმისმყოფელნი შენნი, ვითარცა მწყემსისა
სახიერისანი, დაუძინებელად მოღუაწისა

ცხოვართათვის მინდობილთა მას ზედა, გიგალობენ
შენ:

გიხაროდენ, მღვდელმთავარო ღმრთისა მაღლისაო,
ხელდასხმისა მიერ საღმრთოისა მაღლისა უხუებითა
მომღებელო;

გიხაროდენ, სასანთლეო მრავალსათნლოვანო,
მხურვალეო და ბრწყინვალეო;

გიხაროდენ, შეუორგულებელო ქრისტეს მუშაკო და
მეზალეო;

გიხაროდენ, მწყემსო, გამომზრდელო სარწმუნოებისა
და ღმრთისმოსაობისა საძოვარსა ზედა სამწყსოისა
შენისაო;

გიხაროდენ, ქველისსაქმეთა ნათლისა შენისათა
განმანათლებელო სოფლისაო;

გიხაროდენ, საყდრისა მიმართ ქრისტესა საღმრთოისა
მსხვერპლისა შემწირველო;

გიხაროდენ, მღვდელმთავარო, ცნობითა შენითა
განმაშვენებელო მართლმადიდებლობისაო;

გიხაროდენ, მოციქულთა ქადაგებისა აღმასრულებელო
და წყაროითა მაცხოვრებელისა მოძღურებისათა
დამარწყულელო მართალთაო;

გიხაროდენ, რამეთუ ბრძენთაცა განანათლებ შენ;

გიხაროდენ, რამეთუ მარტივთაცა გულითა მოჰფენ
სინათლესა;

გიხაროდენ, ეკლესიისა და მართლმადიდებლობისა

სიტყუისა შეურყეველად დამცუელო;
გიხაროდენ, მამათა სამკაულო, ღმრთისმსახურთა
მღუდელთა დიდებო და სიქადულო;
გიხაროდენ სპირიდონ, ყოვლადსაკვირველო
სასწაულოთმოქმედო.

კონდაკი 3

კურთხეულო ძალითა მალლისაითა, სპირიდონ
მღვდელთმთავარო, ღმრთივგანბრძნობილად
გამოსჩნდი შენ და ნებთა შენთა მიერ თიხისა
შთაზელვითა პირთა სამებობაჲ ნათლად აჩუენე
ყოველთა და მით ფილოსოფოსნი მის კრებისანი
ცრუდ-მბრძნობელნი შეაძრწუნენ, ხოლო მართალნი
ყოველნი, განმადიდებელნი მიუწვდომელისა
ღმრთისანი, ცხოვნებასა შინა განაბრძვენ, მგალობელნი
მისდა: ალილოჟია.

იკოსი 3

მამანი კრებისანი გგონებდენ შენ, ვითარცა მარტივსა
და გამოუცდელსა წიგნიერსა სწავლებასა შინა და
გევედრებოდენ, მამაო სპირიდონ, რადთა არას
მიუგებდე სიტყუათა რიტორთა მათ, რომელთა
ბრძნად ჰგონებდნენ იგინი, ხოლო შენ,
მღვდელთმთავარო, აღნთებულმან საღმრთოდთა
შურიტა ირწმუნე, ვითარმედ ქადაგებაჲ იგი ქრისტესი

არს არა რწმუნებითა კაცობრივისა სიბრძნისა
სიტყუათათა, არამედ გამოცხადებითა სულისადათა და
ძალისადათა, რომლითა უბრძნესად ამხილებდი მათდა,
ცნობასა მოაგენ და ჭეშმარიტებისა გზასა ზედა
დაადგინენ იგინი და ყოველნი, სასწაულისა ამის
მხილველნი ხმობდენ:

გიხაროდენ, ნათელო მართლმადიდებლობისა
სიბრძნისაო;

გიხაროდენ, რამეთუ სიტყვითა შენითა სძლიე
ცრუდმბრძნობელსა მას თანა მზრახველსა შენსა;

გიხაროდენ, წყაროო მაღლის უხუებისაო;

გიხაროდენ, სუეტო შეურყეველო, განმამტკიცებელო
მორწმუნეთაო;

გიხაროდენ, დამაზნელებელო ყოველთა
წარმწყმედელისა ერესისაო;

გიხაროდენ, რამეთუ შენ მიერ დაითრგუნა სიცოფე
ესე;

გიხაროდენ, რამეთუ ხელისა ხორციელისა შენისა
თითთა მიერ ჰქადაგე წმიდად სამებად;

გიხაროდენ, რამეთუ თიხისაგან გამოჰხადე ცეცხლსა
და წყალსა დასამოწმებლად დოგმატისა წმიდისა
სამებისასა;

გიხაროდენ, რამეთუ განანათლენ კაცნი დიდებად
სიტყვისა, ვითარცა ჭეშმარიტად ერთარსისა
დაუსაზამოისა მამისათა;

გიხაროდენ, რამეთუ თავი გველისა, წარმწყმედელი
ერესი არიოზისა მოსწყალ შენ;
გიხაროდენ, რამეთუ ბოროტებაჲ დასთრგუნე;
გიხაროდენ, რამეთუ ცრუ ბრძენი იგი, თანამზრახველი
შენი მოაქციე ჭემმარიტსა სარწმუნოებასა ზედა;
*გიხაროდენ სპირიდონ, ყოვლადსაკვირველო
სასწაულთმოქმედო.*

კონდაკი 4

გლახაკობითა და უპოვარებითა განვლე ცხოვრებაჲ ესე
და ექმენ მზრდელად და მწედ უქონელთა და ღატაკთა
და სიყუარულისათვის გლახაკთა მიმართ გუელი
ოქროდ გარდასცვალე და მიჰმადლე იგი მათ,
რომელნი მოელოდებოდნენ შენმიერსა შეწევნასა და
სასწაულთა ამით განკვირვებულნი უგალობდნენ
ღმერთსა: *აღილოუია.*

იკოსი 4

ესმნეს ყოველგნით ყოველთა, ვითარმედ სპირიდონ
მღვდელთმთავარი ჭემმარიტად არს სამკვიდრებელ
სამებისა წმიდისა, რამეთუ მას შინა დაივანა ღმერთმან
მამამან, ღმერთმან ძემან და ღმერთმან სულმან
წმიდამან. რისთვისცა საქმითა და სიტყვითა
ჰქადაგებდი შენ ღმერთსა ჭემმარიტსა,

განხორციელებულსა შორის ქრისტიანეთა,
მგალობელთა:

გიხაროდენ, მესაიდუმლო ღმრთისა სიტყუისაო;
გიხაროდენ, საღმრთოდა განგებულებისა
გამომათარგმანებლო ცხოვნებისათვის სოფლისა;
გიხაროდენ, რამეთუ განსწავლიდი არაგამოძიებად
მისდა, რომელი უაღმატებულეს არს უფროდა გონებისა
და სიბრძნისა კაცობრივისა;
გიხაროდენ, რამეთუ ძალი ღმრთისაჲ, მოქმედი
გამოუკვლეველად გამოგლინდებოდა შორის შენსა;
გიხაროდენ, რამეთუ გვეუწყა უფალი ქადაგებითა
შენითა;
გიხაროდენ, რამეთუ დაატკობს სასმენელსა
ყოველთასა;
გიხაროდენ, რამეთუ განსდევნი ბნელსა მას
კერპთმსახურებისასა;
გიხაროდენ, რამეთუ მოუძელ მრავალთა მომართ
ჭეშმარიტისა სარწმუნოებისა;
გიხაროდენ, რამეთუ შეჰმუსრე თავი უხილავისა
გუელისა;
გიხაროდენ, რამეთუ სარწმუნოებაჲ
მართლმადიდებელთაჲ განდიდნა შენ მიერ;
გიხაროდენ, რამეთუ ნათლითა განანათლებ ყოველთა,
შენთა პატივისმცემელთა;
გიხაროდენ, ქომაგო მართლმადიდებლობისაო და

ქრისტიანთა სარწუნოებისაო;
გიხაროდენ სპირიდონ, ყოვლადსაკვირველო
სასწაულთმოქმედო.

კონდაკი 5

მღვდელთმთავარო სპირიდონ, ქველისმოქმედისა
ცხოვრებისა შენისა მიერ აღივსე შენ საღმრთოთა
სულითა, რამეთუ გამოსჩნდი შენ ვითარცა თვინიერ,
მოწყალე, წმიდად გულითა, მოთმინე, ბოროტისა
არამომხსენებელ და უცხოთშემწყნარებელ, რისთვისცა
შემოქმედისა მიერ სასწაულთაგან განდიდდი და
ჩუენცა მადიდებელნი განმადიდებელისა შენისანი
ღმრთისა, უგალობთ მას: *აღილოჟია*.

იკოსი 5

იხილეთ სპირიდონ, ანგელოსთა სწორი და
დიდებული სასწაულთმოქმედი: უწვიმოებისა და
გვაღვისა მიერ დიდად ევნო ქუეყანასა ოდესმე იქმნა
სიყმილი და წყლულება და მოისრა სიმრავლედ ერისა
დიადი, ხოლო ლოცვითა მღვდელთმთავარისათა ცამან
წვიმად გარდამოუვლინა ქუეყანასა და კაცნი
დახსნილნი ჭირისა ამისაგან მაღლობითა ხმობდენ:

გიხაროდენ, მიმსგავსებულო ილიასა, დიდსა
წინასწარმეტყველსა;

გიხაროდენ, რამეთუ წვიმად, განმდევნელი სიყმილისა და უძლურებისა კეთილჟამ გარდამოუვლინე ქუეყანასა;

გიხაროდენ, რამეთუ კუალად ლოცვითა შენითა დაეყენა ცაჲ;

გიხაროდენ, რამეთუ უწყალოდ ვაჭარი იგი დასაჯე მოკლებითა მონაგებისათა;

გიხაროდენ, რამეთუ საზრდელი უხუებითა მიჰმადლნე ჭირვეულთა ყოველთა;

გიხაროდენ, რამეთუ ილუაწე კაცთათვის კეთილგვამოვნებისათვის ღმრთისა;

გიხაროდენ, რამეთუ აღიღე უძლურებანი უძლურთანი;

გიხაროდენ, შემწეო კაცთა, ღმრთისა მმადლობელთაო;

გიხაროდენ, სნეულთათვის კურნებისა მომნიჭებელო;

გიხაროდენ, რამეთუ შენ მიერ ძრწიან დემონნი;

გიხაროდენ, აღმომაცენებელო მრავალთა სასწაულთაო;

გიხაროდენ სპირიდონ, ყოვლადსაკვირველო სასწაულთმოქმედო.

კონდაკი 6

კრეტსაბმელი ტაძრისა ძველისა აღთქმისა შორის წმიდათა წმიდათასა ჰფარვიდა კიდობანსა და მანანასა და ფიცართა სჯულისათა და ტაძარიცა ესე შენი, სპირიდონ მღვდელთმთავარო, დაკრძალავს

ლუსკუმასა შენსა, ვითარცა კიდობანსა: წმიდათა
ნაწილთა შენტა, ვითარცა მანანასა: და გულსა შენსა,
ვითარცა ფიცართა საღმრთოდასა მაღლისათა: და მას
ზედა ვხედევთ გალობასა წარწერილსა: *ალოილუია*.

იკოსი 6

ოდესმე ქუეყანასა მას კვიპროსისასა
განმრავლებისათვის უსჯულოებისა, დასასჯელად
უნაყოფობად მოუვლინა უფალმან. ხოლო ვინმე
ჩინებული ქვეყანისამოქმედი მოვიდოდა წმიდისა
სპირიდონისა მომართ და ოქროდასა მოღებასა
ევედრებოდა შეწევნად მისდა, ხოლო შემდგომად
განსაცდელისა ოქროდ იგი კუალად მოილო
ქუეყანისმოქმედმან მან და სასწაულითა დიდითა
გველად იქმნა ოქროდ იგი. ხოლო ჩუენ მაღიდებელნი
ღმრთისანი წმიდათა შორის თვისთა, ვხმობთ:

გიხაროდენ, რამეთუ იქმენ მობაძავ მოსესი, რომელმან
კუერთხი იგი გუელად გარდასცვალა სასწაულითა;
გიხაროდენ, კაცთმოყვარეო მწყემსო, რომელმან იხსენ
ჭირთაგან ცხოვარნი პირმეტყველნი სამწყსოდასა
შენისანი;

გიხაროდენ, ყოველთა კეთილთა უხუებიითა
განმამდიდრებელო მრავალთაო;

გიხაროდენ, რამეთუ მსგავსად ილიასა მზრდელად
ექმენ ლატაკთა;

გიხაროდენ, უწყალოთა მოწყალედ მომაქცევლო;
გიხაროდენ, საბაძველო სიყვარულისაო სახიერო,
კაცთათვის მკვიდრთა ამის სოფლისათაო;
გიხაროდენ, მართალთა და უმართლოთათვის ჭირთა
შინა ნუგეშინისმცემლო;
გიხაროდენ, ხეო კეთილჩრდილოფურცლოვანო,
ქუეყანისა და ქალაქთა მფარველო;
გიხაროდენ, დიდებაო და სიქადულო კერკირასო;
გიხაროდენ, წვიმისა და უწვიმობისა, გუალვისა და
ყინვისა მბრძანებელო, მადლითა ღმრთისადათაო;
გიხაროდენ, ლოცვისა ძალითა ბუნებისა წესისა
შემცუალეებელო;
გიხაროდენ, მყობადისა, ვითარცა აწმყოფსა
წინასწარმცნობელო;
*გიხაროდენ სპირიდონ, ყოვლადსაკვირველო
სასწაულოთმოქმედო.*

კონდაკი 7

წინაშე ღმრთისა გამოგვიჩნდი მეოხად ყოველთა,
წმიდაო სპირიდონ, ამისთვისცა საფარველსა ქუემე
შენსა მოვილტვით მეძიებელნი ცხოვნებისანი და გვივი
შენ შემწედ ყოველსა შინა შეჭირვებასა და სიყმილსა,
მოწყალულოთა სიკუდილშემოსილითა წყლულებითა,
ჭირითა და განსაცდელითა, რისთვისცა მადლობით
ვუგალობთ ღმერთსა: *ალოილოჟია.*

იკოსი 7

სასწაული ახალი ღმრთივბრწყინვალედ ვიხილეთ:
რაჟამს შენ, მამაო, ხვიდლოდი დასახსნელად
უმართლოდ სასიკვდინედ მსჯავრდებულისა მიმართ
და აღმურამან ქარიშხლისამან დაგაბრკოლა ჟამ ერთ:
ხოლო შენ უბრძანე მას დაყუდებაი სახელითა
ყოვლისაშემძლებელისა ღმრთისაძთა და თანამავალთა
შენთა თანა, ვითარცა ხმელსა, გარდახედ მდინარესა
და დიდებაჲ სასწაულისა ამისი ყოველგნით განითქუა
და ყოველნი უგალობდნენ ღმერთსა შენდამი ხმობითა:

გიხაროდენ, რამეთუ მობაძავ იქმენ ისუსა ძისა ნავესა,
რომელი, ვითარცა ხმელსა ზედა, გარდახდა მდინარესა
იორდანესა;

გიხაროდენ, დამყენებელო წყლისა მდინარებისაო
სიტყვითა შენითაო;

გიხაროდენ, რამეთუ აღმრულმან მოწყალებითა
იტვირთე გზაჲ ძნელად საგალი;

გიხაროდენ, რამეთუ დაარღვიე ცილისწამებაჲ და
უმართლოდ დასჯილი იგი იხსენ დილეგისაგან
ბნელისა და სიკუდილისა;

გიხაროდენ, ღმრთისა სახიერისა გზისა მომართ
მოსწრაფეო;

გიხაროდენ, მცუელო უმართლოდ განშჯილთაო;

გიხაროდენ, შემცუალეებელო წყლისა ბუნებისა

წესისაო;

გიხაროდენ, რამეთუ განაბრძვენ მსაჯული და კლვისა ცოდვისაგან იხსენ იგი;

გიხაროდენ, ჭემმარიტო განმანათლებელო სულთაო;

გიხაროდენ, ძალო საკვირველო, დამყუდებელო წყლისა მდინარებისაო;

გიხაროდენ, დამატკობელო გულთა კაცთასა, შენდა მომართ მოლტოლვილთაო;

გიხაროდენ, მობაძავო კაცთმოყვარისა აბრაამისაო;

გიხაროდენ სპირიდონ, ყოვლადსაკვირველო სასწაულთმოქმედო.

კონდაკი 8

მწირ და ყარიბ იყავ ქუეყანასა ზედა, ვითარცა კაცი ყოველნი, მღვდელთმთავარო სპირიდონ და ჭემმარიტად ყოვლისმხედველმან მან დედის მუცლითგან სათნომყოფელად უდიდესად და სასწაულთმოქმედად გამოგაჩინა შენ: ეშმაკთა განსდევნიდი, სნეულებათა ყოველთა და წყლულთა ჰკურნებდი, გულისთქუმასა კაცთასა ხედევდი და ამათ მიერ გამოსჩნდი შენ საკვირველად შორის წმიდათა და ჩუენცა ყოველთათვის კეთილისმოქმედისა ღმრთისა მომართ გალობისა აღმვლენელნი, ვხმობთ მისდა: *აღილოუია.*

იკოსი 8

შეძრწუნებულ იქმნა ყოველი სოფელი საშინელებითა
მით მრავლითა, რაჟამს ესმნეს, რამეთუ სიკუდილი,
სიტყუათა შენთა მიერ უკუაქცევს მკუდართა და
ხმოზდა:

გიხაროდენ, რომელმან გარდაცვალებული ასული
შენი, გამოსაჩინებელად საუნჯისა მისდა
მინდობილისა, განაცხოველე;

გიხაროდენ, რომელმან ქვრივსა მას მწუხარესა,
მიმნდობელსა საუნჯისა თვისისასა, ნუგეშინის ეც;

გიხაროდენ, რამეთუ ყრმაჲ იგი მიცვალებული
ალადგინე;

გიხაროდენ, რამეთუ დედაჲ მომკუდარი
მოულოდებელითა მით სიხარულითა, კვალად
განაცხოველე;

გიხაროდენ, რამეთუ მოზამავ ექმენ ილიასა, რომელმან
ძესა სარეფთელისა დედაკაცისასა კუალად ცხოვნებაჲ
მიჰმადლა ლოცვითა თვისითა;

გიხაროდენ, რამეთუ მოზამავ ექმენ ელისესაცა, ყრმისა
მის სიკუდილისაგან დამხსნელსა;

გიხაროდენ, მწყემსო, ყოველთა კაცთა მოყვარეო
მხურვალეო;

გიხაროდენ, რომელმან მიტევებაჲ ცოდვათა მიჰმადლე
მეძავსა მას დედაკაცსა, რომელი ფერხთა მაგათ შენთა

დაალტობდა ცრემლითა თვისითა;
გიხაროდენ, მომხუეჭელო მოშურნეობისაო წმიდისა
მის თავისა მოციქულთასაო;
გიხაროდენ, რამეთუ შეუნანებელი დედაკაცი იგი
ცოდვილი საღმობიერთა სნეულებითა მოაკუდინე
სიტყუითა შენითა;
გიხაროდენ, რომელმან ქუეყანისა ნაყოფიერებაი
გამოითხოვე ლოცვათა მიერ შენთა;
გიხაროდენ, რომელმან უეჭველობაჲ აღდგომისა
არწმუნე კაცთა;
*გიხაროდენ სპირიდონ, ყოვლადსაკვირველო
სასწაულთმოქმედო.*

კონდაკი 9

სულისა ღმრთეებრივისა ბრწყინვალებაჲ
გარდამოგევლინა შენ, სპირიდონ მღვდელთმთავარო,
ყოვლადბრძნისა სულისა მქონებელსა, რამეთუ
სიბრძნითა სიტყუისათა შეიპყრობდი უცნობოთა და
სარწმუნოებასა განამტკიცებდი შორის მამათა,
სულითა ცნობისაჲთა განანათლებდი გონებათა
დაბნელებულთა და სულითა შიშისა ღმრთისათა და
ღმრთივსათნოთა ღწვითა სულიცა შენი განიწმიდენ და
აწცა, წარდგომილი წინაშე საყდრისა მაღლისათა,
ანგელოსთა დასთა თანა უგალობ მას: *აღიღუთა.*

იკოსი 9

მწყემსმთავარისა მის პირმეტყუელთა ცხოვართათა უფლისა იესუქრისტესაგან მიიხუენ კუერთხი მწყემსისა, წმიდაო სპირიდონ და შეუცვალებელად ეგე ცხოვრებასა მასვე შინა: უანგარობითა, თვინიერებითა, დათმენითა ყოვლისათა სიყვარულისათვის ღმრთისა, ურცხვენელად იტვირთვე ზრუნვაჲ პირმეტყუელთა მათ ცხოვართა ზედა და ჩუენცა, ყოვლისა ამისა მიერ აღძრულნი, ვადიდებთ ღმერთსა და ვხმობთ შენდამო:

გიხაროდენ, ქუეყნიერისა დიდებისა მომძაგებელო, ვითარცა ამაოებისაო;

გიხაროდენ, მრავალთა ზესკნელისა მიმართ აღმყვანებელო;

გიხაროდენ, ნაგევად შემრაცხველო სოფლისა ამის შუენიერებისაო;

გიხაროდენ, საჭურჭლეო ზეციურთა კეთილთაო;

გიხაროდენ, უწმიდესო საძოვარო კვიპრელთაო;

გიხაროდენ, რამეთუ მიმტაცებელნი ცხოვართა შენთანი ღმრთისა მიერ შეიკვრენ ბორკილითა უხილავითა;

გიხაროდენ, მამობრივითა სიყვარულითა განმაბრძნობელო მპარავთაო;

გიხაროდენ, ღამე ყოველ სიფხიზლით დაცვისათვის მათთვის ცხოვართა მიმგებელო;

გიხაროდენ, ურჩობითა თიკნისათა, ვითარცა ცნობისა
მქონებელისა, ვაჭრისა მის, ფასისა დამფარველისა,
მამხილებელო;

გიხაროდენ, ვერცხლისა მის შენისა დამფარველისა
სინანულად მომყვანებელო;

გიხაროდენ, რამეთუ დააცხვრე ვეცხლისმოყვარებად
მისი განსწავლითა შენითა;

*გიხაროდენ სპირიდონ, ყოვლადსაკვირველო
სასწაულოთმოქმედო.*

კონდაკი 10

ცხოვართა მათ შენტა, შენდა მომართ ღმრთისა მიერ
მონდობილთა სულთა დამხსნელო,
მღვდელთმთავარო სპირიდონ, ნებითა ღმრთისადათა
მოწოდებულ იქმენ წარმოჩინებად დიდებისა შენისათა
და უფროდსად დიდებისა ჭეშმარიტისა ღმრთისასა და
ქუეყანასაცა ზედა უცხოტომელთასა განადიდებენ
სახელსა ღმრთისასა, მგალობელნი ესრეთ: *აღილოუია.*

იკოსი 10

წმიდად სპირიდონ, მსწრაფლშემწეო და მეოხი
ყოველთა მყოფთათვის ჭირთა და მწუხარებათა შინა,
ბრძანებითა მეუფისათა, სხუათა მათ მწყემსთა თანა
მივიდოდა ანტიოქიასა შინა, სადაცა კონსტანტინე
ხელმწიფეო იგუემებოდა სნეულებითა; ხოლო შერაეხო

მღვდელთმთავარი იგი თავსა მისსა, მსწრაფლ
კურნებად აღასრულა მას ზედა და ჩუენცა სასწაულითა
მით განკვირვებულნი უგალობთ მას:

გიხაროდენ, რომელი ძილსა შინა ვითარცა ანგელოსი
მაკურნებელად გამოუჩნდი მეფესა;

გიხაროდენ, რომელმან სიყუარულითა საღმრთოდთა
ჟამსა მას სიბერისა შენისასა თავს იდეგ გზად იგი
საძნელოდ;

გიხაროდენ, რომელმან ხელმწიფისა მონასა, მცემელსა
ლაწუსა შენსა ზედა, მცნებისაებრ უფლისა, მიუპყარ
ერთკერძოდცა;

გიხაროდენ, სუეტო სიმდაბლისაო:

გიხაროდენ, რომელი ლოცვათა შინა შენთა ცრემლთა
დათხევითა განკურნებასა მეფისასა ევედრებოდი
უფალსა;

გიხაროდენ, რამეთუ დამდაბლებითა თავისა შენისათა
განაბრძვე მონად იგი და უკეთური ჩვევად მისი
შესცუალე;

გიხაროდენ, რამეთუ გულმოწყალებასა და
ღმრთისმოსაობასა შინა მეფეი იგი განსწავლე;

გიხაროდენ, რამეთუ მომმგებელმან ქუეყნიერისა
საუნჯისამან უარჰყავ ოქროდ იგი მეფისად;

გიხაროდენ, რამეთუ მოწაფედ იგი შენი ტრიფილიანე
განათავისუფლე სიყუარულისაგან ქუეყნიერთა
კეთილთა და საღმრთოდსა მადლისა ჭურჭელად

გამოაჩინე იგი;

გიხაროდენ, რამეთუ ჟამსა მას მისვლისა შენისასა
ალექსანდრიასა შინა, კერპნი ქუე დაემხნენ;

გიხაროდენ, რამეთუ ეშმაკნიცა გმონებენ შენ;

გიხაროდენ, რამეთუ კერპმსახურებისაგან იხსნენ
მრავალნი;

*გიხაროდენ სპირიდონ, ყოვლადსაკვირველო
სასწაულთმოქმედო.*

კონდაკი 11

ანგელოსთა გალობაჲ გესმნეს, სპირიდონ
მღუდელთმთავარო, რაჟამს სამწუხრონი ლოცვანი
შენნი აღავლინე ტაძარსა მას შინა და არა ჩნდეს
თანამსახურნი შენნი. ხოლო ქალაქისა მის ერნი,
მსმენელნი საკვირველისა გალობისანი, მივიდოდითან
ტაძრად და რაჟამს ვერავინ იხილიან, მალლისა ძალთა
უგალობდნენ: *აღილოუია.*

იკოსი 11

ანგელოსთა თანამზრახველი და სხივცისკროვანი მზეჲ
სოფლისა ამისა იყავ შენ ქუეყანასა ზედა, სპირიდონ
მღუდელთმთავარო, სული შენი მიეც ხელთა
უფლისათა, რაჟამს გარდახედ ზეციურსა მას სავანესა,
მვედრებელი ყოვლისათვის სოფლისა წინაშე საყდრისა

მის მეუფისასა და ჩუენცა მოქალაქენი ქუეყანისა
ამისანი, გიმხოზთ შენ:

გიხაროდენ, რამეთუ სოფელსაცა ამას შინა ანგელოსნი
გმსახურებდენ შენ;

გიხაროდენ, რამეთუ გესმნეს შენ გალობანი
მთავარანგელოსთანი;

გიხაროდენ, ფერისცვალებათ ხილულისა ხატისა
ჩუენისათ;

გიხაროდენ, რამეთუ ჟამსა ნაკლულეევანებასა მას
ზეთისასა საჭურჭლენი ყოველნი ტამარსა შინა აღავსო
უფალმან;

გიხაროდენ, კანდელი ღმრთეებრივისა ნათლისათ;

გიხაროდენ, ჭურჭელი მადლისათ, რომელი მსგავსად
ზეთისა უხუებითა აღმოავსებ სულსა შენსა;

გიხაროდენ, წყაროთ გამოუკვლევლო, მადლისა
მდინარისა ყოველთათვის მარადის აღმომადინებლო;

გიხაროდენ, რამეთუ შენ ზედა ანგელოსნი
განკვირდებიან;

გიხაროდენ, დიაკონისა მის ურჩებისა დამსჯელო;

გიხაროდენ, ამპარტავნებისათვის სიტყუათა თვისთა
ზედა, მომკლებლო მისგან ხმისა და სიტყუისათ;

გიხაროდენ, რამეთუ ჟამსა მას გვალვისასა,
მოულოდნელითა ცუარითა მით მალლით

მოსრულითა, წმიდაჲ თავი ეგე შენი განიგრილე;

გიხაროდენ, რამეთუ ნიშითა მით ჟამი წარდგომისა

შენისა წინაშე ღმრთისა განჭვრიტე;
გიხაროდენ სპირიდონ, ყოვლადსაკვირველო
სასწაულთმოქმედო.

კონდაკი 12

საფარველ და ნავთსაყუდელ ექმენ ყოველთა შენდა
მომართ მოლტოლვილთა ჟამსაცა მას ქუეყნიერისა
ცხოვრებისა შენისასა, მღუდელთმთავარო და ნუცა
შემდგომად მიცუალებისასა დაგვიტევებ ჩუენ ობლად.
ღმერთმან განმარჯუებითა ბუნებისა წესთა ზედა
განუხრწნელად დაიცუნა წმიდანი ნაწილნი შენნი,
განსამტკიცებელად მართლმადიდებელისა
სარწმუნოებისა, კეთილმსახურებისა და ნიშად
უკუდავებისა, რისთვისცა ვხმობთ სადიდებელად
მისდა: ალილოჟია.

იკოსი 12

გიგალობთ შენ, მღუდელთმთავარო ღმრთისაო,
რამეთუ განაკვირვე სოფელი სასწაულთა მათ მიერ,
რომელნი აღმოეცენებიან წმიდათა ნაწილთა შენთაგან
და ყოველნი სარწმუნოებით მოლტოლვილნი
ამბორისყოფად მათდა, სათხოვარისა კეთილად
აღსრულებასა მიემთხვევიან. და ჩუენცა, შენდა
მომართ სიმტკიცისა მომცემელისა და უხრწნელებისა
გვირგვინითა შემამკობელისა და შენ მიერ

მოქმედებულისა ღმრთისა განმადიდებელნი,
გიგალობთ შენ:

გიხაროდენ, რომელი ჟამსა მას სიყმილისასა
მეზღუაურთა გამოუჩნდი და უბრძანე მოღებად
ჭამადისა;

გიხაროდენ, რომელმან წმიდათა ნაწილთა შენთა
მიმთხვევითა ბრმათა აღხილვად მიანიჭე;

გიხაროდენ, განუკურნებელისა სენისაგან ყრმისა
აღმადგინებლო;

გიხაროდენ, დედაკაცისაგან მის ეშმაკისა
განმდევნელო და კურნებისა მიმნიჭებლო;

გიხაროდენ, კერკირას ზესთამბრძოლო;

გიხაროდენ, რომელმან ბოროტნი აგარიანნი

განსდევნენ და ნავნი მათნი დაანთქ უფსკრულსა მას
შინა;

გიხაროდენ, რომელი ეჩუენე მათ ხელთა შინა

მპყრობელად მახვილისა და მტერი იგი აღავსე შიშითა
შენითა;

გიხაროდენ, ლათინელთა მხედართმძლუანებელისა
დამსჯელო სასტიკითა სიკუდილითაო;

გიხაროდენ, ვენეციისა ქალაქსა შინა ელვისა მიერ
დამწუელო გამოსახულებისა მისისაო;

გიხაროდენ, მომსგრელო დასავლეთისა

განდგომილებისა და ცრუბრძნობისაო;

გიხაროდენ, განმამტკიცებლო ჭეშმარიტისა და კაცთა

მაცხოვრებელისა ერთისა მართლმადიდებელისა
სარწმუნოებისაო;
*გიხაროდენ სპირიდონ, ყოვლადსაკვირველო
სასწაულთმოქმედო.*

კონდაკი 13

ჰოი უფროსადსაკვირველმოქმედო მღუდელთმთავარო
ქრისტესო, მამაო სპირიდონ, შემწირველმან
აწინდელისა ამის ლოცვისა ჩუენისამან, გვიხსენ ჩუენ
ყოველთაგან ჭირთა და ზედამოსლვათა, განამტკიცე
მამული ესე ჩუენი მტერთა ჩუენთა ზედა, მოგვმადლენ
ჩუენ დატევებაჲ ცოდვათა ჩუენთა და საუკუნოჲსა
სიკუდილისაგან იხსენ ყოველნი, შენ მიერ ღმრთისა
მიმართ მგალობელნი: *აღილოუია.*

ეს კონდაკი იკითხება 3-გზის; და კვლავ იკოსი 1 და
კონდაკი 1.

ლოცვა 1

ჰოი დიდო და ყოვლადსაკვირველო
მღუდელთმთავარო ქრისტესო და სასწაულთმოქმედო
სპირიდონ, კერკირას სიქადულო, სასანთლეო
ყოვლადბრწყინვალეო, ღმრთისა მიმართ მეოხხო
მხურვალეო და მსწრაფლშუამდგომელო
ყოველთათვის, რომელნი შეგივრდებით შენ

ვედრებითა. ნიკეისა კრებასა მართლმადიდებელი სარწმუნოებად შორის მამათა ყოვლადდიდებულად გამოათარგმანე შენ, ერთარსებობად სამებისა წმიდისა ძალითა სასწაულებრივითა აჩუენე და საუკუნოდ მოწყალ სწავლებად ერეტიკოსთა. ისმინე ვედრებად ჩუენ ცოდვილთა, მღუდელთმთავარო ქრისტესო და ყოვლადძლიერთა მეოხებითა შენითა წინაშე ღმრთისა, გვიხსნენ ჩუენ ყოველთა ბოროტთა ვითარებათაგან: სიყმილისაგან, რღვნისა, ცეცხლისა და სიკუდილშემოსილისა წყლულებისაგან. რამეთუ ჟამსა ქუეყნიერისა ცხოვრებისა შენისასა ყოველთა ჭირთაგან დაიხსნიდი ერსა შენსა: ზედამოსვლისაგან აგარიანთასა და სიყმილისაგან სცევდი მამულსა შენსა, განუკურნებელისა წყლულებისაგან მეფეა აღადგინე და ცოდვილნი მრავალნი სინანულად მოიყვანენ, მკუდარნი განაცხოველენ დიდებულებითა და ცხოვრებისა შენისა სიწმიდითა, ჟამსა მსახურებისასა ტაძარსა მას შინა ანგელოსნი თანამსახურად მოიხუენ; ამით სახითა განგადიდა შენ, ერთგული მონაა თვისი, მეუფემან ქრისტემან და გულისხმისყოფაიკა ყოველთა საიდუმლოთა კაცობრივთა საქმეთა მოგემადლა შენ და უმართლოთა ცხოვრებასაცა ამხილებდი. შეეწეოდი შენ მრავალთა, სილატაკესა და ნაკლულევანებასა შინა მყოფთა, ჟამსა მას სიყმილისასა უხუებითა ზრდიდი უპოვართა მათ და მრავალიცა სხუანი სასწაულნი

აღასრულენ შენ სულისა ღმრთისა მიერ შორის შენსა
დამკვიდრებულისა; ნუსადა დაგვიტევებ ჩუენცა,
მლუდელოთმთავარო ქრისტესო, მოგვიხსენე ჩუენ,
შვილნი შენნი წინაშე საყდრისა მის
ყოვლისამპყრობელისა და ევედრე უფალსა, რადთა
მრავალთა ცოდვათა მოტეგებად მოგუანიჭოს ჩუენ,
უჭირველი და მშვიდობითი ცხოვრებად მოგვმადლოს,
მოგვივლინოს ურცხუენელი და მყუდროდ აღსასრული
ცხოვრებისა ჩუენისა და ღირს გვყოს ჩუენ საუკუნესა
ნეტარებასა და სამარადისოსა დიდებასა, რადთა
მარადის სადიდებელსა და სამადლობელსა გალობასა
აღვაღლენდეთ წინაშე მამისა და ძისა და სულისა
წმიდისა, აწ და მარადის და უკუნითი უკუნისამდე,
ამინ.

ლოცვა 2

ჰოი ყოვლადნეტარო მლუდელოთმთავარო სპირიდონ,
სათნო ქრისტესო და უდიდებულესო
სასწაულთმოქმედო; ანგელოსთა თანა წარდგომილ ხარ
წინაშე საყდრისა ღმრთისა, გარდამოიხილე
მოწყალითა თუალითა ერსა შენსა ზედა,
მვედრებელისა ყოვლადმლიერისა შეწევნისა
შენისადათა; ევედრე კეთილნაწლეობასა მოწყალისა
ღმრთისასა, რადთა არა დაგვსაჯოს ჩუენ
უსჯულოებათაებრ ჩუენთა, არამედ მოგუაგოს ჩუენ

მოწყალებისაებრ თვისისა, ითხოვე ჩუენთვის
ქრისტესაგან ღმრთისა ჩუენისა ცხოვრებად
მშვიდობითი და უშფოთველი, სიმრთელედ სულთა და
ხორცთა ჩუენთა, კეთილნაყოფიერებად ქუეყანისა და
უხუებითა და კეთილდღეობითა აცხოვნენ ყოველნი,
მოგუმადლენ ჩუენ ძალი, რადთა არა ბოროტად
გარდავაქციოთ ყოველი კეთილად მოვლინებული
ჩუენდა ღმრთისა მიერ, არამედ ვყოთ იგინი დიდებად
მისა და სიქადულად მეოხებისა შენისა; გვიხსენ ჩუენ
სარწმუნოებითა შეუორგულელებელითა ღმრთისა
მიმართ მოლტოლვილნი, ყოვლისა დანთქმისა და
ემმაკისა ცილისწამებისაგან; ექმენ შენ მწუხარეთა
ნუგეშინისმცემელ, უძლურთა - მკურნალ,
ზედამოსლგათა შინა - შემწე, ობოლთა - მცუელ,
ყმრათა აღმზრდელ, მოხუცთა - განმამტკიცებელ,
მოგზაურთა - წარმმართველად გზისა, მეზღუაურთა -
მესაჭედ და გვეყავ მეოხ ყოვლადძლიერითა
შუამდგომელობითა შენითა - ჩუენ, ცხოვნებისა
მვედრებელთა ყოველთა; რადთა წინამძღუანებულნი
და დაცულნი ლოცვითა შენითა, მიწევნულ ვიქმნეთ
საუკუნესა მას მშვიდობასა და შენთანა ერთობითა
ვადიდებდეთ ღმერთსა, სამწმიდაობით დიდებულსა,
მამასა და ძესა და წმიდასა სულსა, აწ და მარადის და
უკუნითი უკუნისამდე, ამინ.

